

Yening rahinane mangkin rahina sane kaping untat ring urip ragane, kija ragane pacang lunga?

Nanging semeton tan uning ring paindikan
sane pacang nibenin semeton benjang.
Santukan napike urip semetone? Punika tan
bina sakadi ambune sane kanten ajebos,
raris sirna. Yakobus 4:14



Wenten petang kasujatian sane patut iraga ngresepang jangkep:

1. Ida Sang Hyang Widhi kalintang tresna ring ragane.

Ida meled mangda ragane polih urip langgeng ring suargan sareng-sareng ring Ida.

Santukan Ida Sang Hyang Widi Wasa tresna asih ring jagate, kantos Ida maicayang Putran Idane sane tunggal, mangdane sakancan anake sane pracaya ring Ida tan padem, nanging molih urip langgeng.” Yohanes 3:16

Ida meled mangda ragane madue kauripan sane sugih tur mabuat sareng Ida.

Maling tekane tuah lakar mamaling, ngamatiang muah ngusak-asik.

Tiang rauh mangda ipun polih urip, tur mangda ipun polih urip sane maliah-liah. Yohanes 10:10

Yadiastun asapunika, akeh jadma sane nenten ngarasayang kahuripan sane madue arti lan nenten pastika napike ipun madue kahuripan sane langgeng santukan...

2. Manusa punika madosa saking sifatnyane. Punika awinanipun ipun palas saking Ida Sang Hyang Widi Wasa.

Makasami sampun ngardi dosa.

Santukan manusane sami sampun madosa, tur sampun doh saking kaluihan Ida Sang Hyang Widi Wasa. Roma 3:23

Sawireh kapitresnan teken pipis ento wit sakancan kajaatan... 1

Timotius 6:10

Upah dosane punika padem.

Sawireh upah dosane ento pati... Roma 6:23

Alkitab nelatarang indik kalih soroh pati:

- Pati fisik

Manusane patut padem apisan, wusan punika ipun pacang katepasin.

- Pati rohani utawi palasan niskala sareng Ida Sang Hyang Widhi ring neraka .

Nanging anake ane jejeh, anake ane tuara pracaya teken Ida Sang Hyang Widi Wasa, anake ane cemer, anake ane demen ngamatiang

jlema, anake ane mamitra, anake ane sundele, balian, anake ane

nyumbah arca muah anake ane bobab, anake ento lakar dadi

dumannyanane di segarane ane ngendih murub muah welirang. Wahyu

21:8

Yening manusa mapasahan sareng Ida Sang Hyang Widhi sangkaning dosannyane, napike solusi ring pikobet puniki? Iraga sering mikayunin indik solusinyane inggih punika: agama, pakaryan sane becik, lan tata krama sane becik. Nanging wantah asiki solusi saking Ida Sang Hyang Widhi Wasa.

3. Sang Hyang Yesus Kristus wantah margi sane ngungsi swargan.

Punika sabdan Ida Sang Hyang Widi Wasa.

Pasaur Ida Hyang Yesus: "Guru ene margane, kasujatian muah uriipe." Tan wenten anak sane mrasidayang rauh ring Ida Sang Aji, yening tan malantaran Guru. Yohanes 14:6

Ida sampun naur pasisip sane jangkep pabuat dosa-dosan iragane.

Santukan Ida Sang Kristus sampun seda wantah apisan pabuat dosa-dosan iragane.

Malantaran sedan Idane, iraga sampun kabebasang, inggih punika dosa-dosan iragane kampurayang. Epesus 1:7

Ida sampun majanji ring urip langgeng.

Nyenja percaya teken Ida Sang Putra, anake ento lakar molih urip langgeng. Nanging pidukan Ida Sang Hyang Widi Wasa kanton wenten ring ipun. Yohanes 3:36

Santukan pikoli dosane punika padem; Nanging paican Ida Sang Hyang Widi Wasa, inggih punika urip langgeng malantaran Ida Hyang Yesus Kristus, Panembahan iragane. Roma 6:23

4. Iraga patut percaya ring Yesus Kristus mangda prasida karahayuang.

Rahayu iragane punika malantaran sih pasuecan Ida Sang Hyang Widi Wasa malantaran percaya ring Ida Hyang Yesus Kristus.

Santukan malantaran sih pasuecan Ida Sang Hyang Widi Wasa, semeton sampun karahayuang. Ida Sang Hyang Widi Wasa, boyaja malantaran laksanakan semetone, mangda tan wenten anak sane nyumbungang dewek. Epesus 2:8-9.

Santukan sakancan anake sane nyambat parab Ida Sang Panembahan, ipun pacang karahayuang." Roma 10:13

Doa Sang Madosa

Astawayangja kadi asapunika maduluran kapracayan.

Ratu Hyang Yesus, suksma pisan sampun tresna ring titiang. Titiang ngangkenin titiang wantah jadm madosa tur titiang nunas geng rena sinampura. Suksma antuk sedan ragane ring salib, kapendem, lan bangun anggen naur sakancan dosa-dosan tiange. Titiang pracaya ring Palungguh IRatu pinaka Panembahan miwah Juru Rahayun titiange. Titiang nerima paica urip langgeng Palungguh IRatu tur titiang nyerahang urip titiange ring Palungguh IRatu. Tulunginja titiang mangda titiang nglaksanayang sakancan pituduh-pituduh Palungguh IRatune, tur tulunginja titiang mangda Palungguh IRatu ngledangin titiang. Amin.

Yening ragane sampun andel ring Ida Hyang Yesus Kristus, indike ring sor puniki sampun nibenin ragane:

- Mangkin, ragane sampun polih urip langgeng sareng Ida Sang Hyang Widi Wasa.

Ida sane ngutus Tiang, mapakayun mangda sakancan anake sane manggihin Putran Tiange tur pracaya ring Ida, ipun molih urip langgeng. Yohanes 6:40

- Sakancan dosa-dosan semetone sampun kataur tur sampun kampurayang.

(sane sampun lintang, mangkin, sane jagi rauh)

Nanging Ida Hyang Yesus sampun ngaturang aturan sane apisan pabuat dosa-dosane salami-laminipun. Ibrani 10:12

- Ragane wantah ciptaan sane anyar ring ayun Ida Sang Hyang Widi Wasa. Puniki pangawit kahuripan anyar ragane.

Sapasiraja sampun matunggilan ring Ida Sang Kristus, ipun dados manusa anyar. Tingalinja, saluiring paindikan sampun dados anyar. 2 Korintus 5:17

- Cening dadi putran Ida Sang Hyang Widi Wasa.

Nanging sawatek anake sane nampi Ida tur pracaya ring parab Idane, Ida kicen wewenang dados putran Ida Sang Hyang Widi Wasa."

Pakaryan sane becik boya ja pinaka pamargi mangda iraga polih karahayuan, nanging pinaka bukti utawi buah karahayuan iraga.

Santukan sajeroning patunggilan ring Ida Sang Kristus Yesus, iraga puniki kakardi antuk Ida Sang Hyang Widi Wasa. Epesus 2:10

Dumogi polih suweca saking batara!